



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Formula fidei examinis, & approbationis pro Parocho.

urn:nbn:de:hbz:466:1-10502

viam te committas, præter diuinum officium debitum, preces etiam illas dicas, quæ itinerarium clericorum appellatur: abstinere item iter faciendo, a profanis cantionibus, & colloquijs eiuſmodi, quorum vſu pietatis ſtudium refrigerat; ſed Pfalmis, Hymnis, & Canticis ſacris, animi, & corporis laſſitudinem ſubleues: in omni denique itinere eum te vitæ moribus perpetuo præſtes, vt etiam laicis hominibus, religioſè pieque peregrinandi exemplum præbeas. Cum autem ad ſanctam Vrbem perueneris, clericales veſtes talares, eaſque decentes induas; ac de clericaliſ veſtitus, & vitæ moderatiōe, omnia ad noſtrorum Conciliorum præſcriptum inuiolatè ſerues; tum quamprimum potes, aut biduo ſaltem poſt, Reuer. D. N. Protonotarium Apoſtolicum conuenias, cui has noſtras dimiſſorias testimonialesve literas exhibeas, eiſque hoſpitij tui locum, & ſocios ſignifices: tum præterea, antequam ſanctorum locorum viſitationem in alma Vrbe Iubilei conſequendi gratia agrediaris, iterum conſeſſario Sacerdoti probato conſeſſus, Miſſæ ſacrum facias: totus peregrinationi ſanctæ quam ſuſcepisti intentus, non rerum nouarum curioſitates, neque aliud a peregrinandi propoſito alienum conſeſſeris; ſed religioſa animi præparatione, ſanctorum Eccleſias, & loca ſacra viſites. Cum verò ab alma Vrbe diſceſſurus es, eundem Reuer. D. N. adeas, a quo nobis literas afferas: nec aliò longius vageris: a peregrinatione autem reuerſus, nos primum cum literis dimiſſorijs quas tibi dedimus, & cum illis etiam literis quas ab eo acceperis, contineas, vt ſanctæ peregrinationis tuæ testimonium des. His præterea noſtris literis teſtatum cæteris fidelibus eſſe volumus, te, quod nobis ſignificasti, Iubilei cauſa ſanctam hanc peregrinationem ſuſcepisse; nec hoc tempore, quod nos ſcimus, te apud forū noſtram Archiepiſcopale, vllò crimine ac cuſatum, delatum, inquitum, nec condemnatum; neque vllò excommunicationis, cenſuræve alterius Eccleſiaſtica vinculo irretitum eſſe. In quarum rerum fidem &c. Dat.

Formula edicti, de examine eorum, qui Eccleſiæ Parochiali præficiendi ſunt.

CArolus &c. Vacante Eccleſia parochiali N. Diœceſis noſtræ Mediolanenſis, nos eo nomine examen, quod ex Tridentina ſanctiōe, prouincialiſque decreto noſtro præſtari planè debet, a die promulgationis huius edicti, vſque ad diem decimum proximè ſequentem conſecturi ſumus, ac deinceps etiam ex auctoritate apoſtolica nobis conſeſſa, quouſque eidem vacanti Eccleſiæ per nos prouiſum erit. Quare omnes ac ſingulos, qui vel examinari, vel alios examinandos nominare voluerint, præſcripto illo tempore, ad Reuerendū N. Canonicum ordinarium, & Cancellarium noſtræ Eccleſiæ Mediolanenſis, qui nomina deſcribat, conuenire; tum conſtituta examinis die, coram nobis, atque examinatoriſ Synodalibus per nos eo nomine delectis, ad eſſe, hoc edicto ſignificamus, atque edicimus; vt quos conſecto examine, moribus, ætate, doctrina, prudentia, aliisſque rebus ad curam animarum bene gerendæ rationem opportunis, idoneos eſſe compertum erit, ex ijs nos, quem cæteris magis idoneum cenſuerimus, illum Eccleſiæ vacantis rectorem parochumve eligamus, ac præficiamus. Quod ſanè, ſicut nos pro eo quod debemus, integre ſanctèque in Domino præſtare cupimus: ita omnes, præcipueſque illos, quorum Eccleſiæ & curæ ſpiritali per nos conſulendum ac prouidendum eſt, magnoperè hortamur, ac requirimus, vt hanc noſtram ſollicitudinem, paſtoraleſque ſtudium, omni ſupplicatione, omniſque intima pietate, ac religioſis precibus, continenter adiuuent. Dat. &c.

Formula fidei examinis & approbationis pro parochio.

CArolus &c. Vniuerſis & ſingulis ad quos præſentes literæ noſtræ peruenerint, fidem indubiam facimus & atteſtamur, quòd cum Parochialis Eccleſia S. N. noſtræ Med. Diœceſis, quæ Pæſbyter N. de N. dum viueret, obtinebat,

per

per ipsius obitum, qui de mense N. anni N. extra Rom. Curiam diem suum clausit extremum, vacauerit, & vacet ad præfens; cumque occasione vacationis huiusmodi per publica edicta vocati sint qui examinari vellent, iuxta formam sacrosancti Concilij Tridentini: Nos vnà cū examinadoribus in Synodo Diœcesana deputatis & electis, D. presbyterum N. Diœc. Med. transacto tempore per concursum examinauimus, ipsumque ad præfatam Ecclesiam regendam, gubernandam & obtinendam moribus, ætate, doctrina, & alijs rebus ad id opportunis magis idoneum iudicauimus & approbauimus. In quorum fidem præsentibus manu nostra subscriptas, & nostro sigillo obsignatas fieri iussimus, & ab alijs examinadoribus subscribi curauimus. Dat.

Formula literarum Collationis Ecclesiæ Parochialis.

CAROLUS &c. Dilecto nobis in Christo Domino Prosbytero N. Mediolanen. salutem in Domino. Inter cætera, quæ pro pastoralis nostri officij debito præstare cupimus, illud præcipuè nobis cordi est, vt parochialibus Ecclesijs, quibus de rectoribus per nos prouidendum est, tales præficiamus, qui officio & ministerio curæ animarum, quod omnium grauissimū est, laudabiliter satisfaciant. Cum itaque sicut accepimus, parochialis Ecclesia S. N. loci N. plebis N. nostræ Medio. Diœc. quam aliàs Presbyter N. illius vltimus possessor obtinebat, per obitum eiusdem N. [vel] per resignationem, [vel] priuationem, [vel] affectationem alterius beneficij, illam in manibus nostris sponte dimisit, vacauerit, & vacet ad præfens: Nos eidem Ecclesiæ, ac animabus illi subditis, de idoneo rectore prouidere volentes; tibi, qui Reuerendis Patribus examinadoribus in Synodo Diœcesana Mediolanen. deputatis, in concursu iuxta sacri Tridentini Concilij præscriptum examinatus, prudentia, moribus, & doctrina, ad hanc parochialem Ecclesiam regendam eiusque curam per te ipsum gerendam, idoneus nobis renunciatus fuisti; & quem

nos ipsi præ cæteris, qui ad eandem idonei nobis renunciati fuerūt, delegimus; parochialem eandem Ecclesiam, cum illi forsā annexis, ac omnibus iuribus & pertinentijs suis vniuersis conferimus & assignamus, de illaque te coram nobis propter hoc flexis genibus humiliter constitutum & acceptantem, per birreti capiti tuo impositionem inuestimus. Quocirca vniuersis & singulis personis Ecclesiasticis, notarijsque ac tabelionibus publicis ciuitatis & diœc. nostræ Mediolanen. in virtute sanctæ obedientiæ, ac sub penis & censuris contra inobedientes superiorum mandatis a iure inflictis, & arbitrio nostro infigendis, per præsentibus præcipimus & mandamus, vt cum pro parte tua vigore præsentium requisiti fuerint, vel eorū aliquis requisitus fuerit, ad ipsam parochialem Ecclesiam præfati loci accedant, teque, vel procuratorem tuū pro te, in corporalem, realem, & actualē possessionem prædictæ parochialis Ecclesiæ, ac omnium illi annexorum iurium & pertinentiarum prædictarum, seruatis seruandis, inducant auctoritate nostra, & defendant inductum, amoto exinde quolibet illicito detentore; quem nos etiam harum serie amouemus, & denunciamus amotum. Fictabilibus verò, colonis, & alijs arendatarijs, de prædictæ parochialis Ecclesiæ, ac omnium illi annexorum, iuriumque & pertinentiarum prædictarum fructibus, redditibus, prouentibus, iuribus, ac obuetionibus vniuersis, tibi, vel procuratori tuo legitime debito tempore respondeant, ac ab alijs, quantum in se fuerit, responderi faciant. (Et sic contigerit, eum, cui de beneficio prouidetur, aliud incompatible obtinere, addatur.) Volumus autem, ac præsentium tenore declaramus, per huiusmodi parochialis pacificæ possessionis adeptionē alteram parochialem Ecclesiā loci N. vel canonicatum ac præbendā, quos obtines in Ecclesia collegiata S. N. loci N. eò ipsò vacare. In quorum fidem præsentibus manu nostra signatas, & per infra scriptum cancellarium Archiepiscopale subscriptas, sigilli que Archiepiscopalis Sancti Ambrosij appensione munitas, fieri iussimus. Dat. &c.

Eadem